

CONVENIO DE COLABORACIÓN ENTRE O CONCELLO DE SANTIAGO DE COMPOSTELA E A UNIVERSIDADE DE SANTIAGO DE COMPOSTELA PARA O PROGRAMA DE FORMACIÓN, DIFUSIÓN E PROMOCIÓN DO VOLUNTARIADO A COOPERACIÓN E A PARTICIPACIÓN SOCIAL NA COMUNIDADE UNIVERSITARIA

Santiago de Compostela a sete de decembro dous mil dezasete.

REUNIDOS

Dunha parte,

Dona Concepción Fernández Fernández, Concelleira-delegada da Área de Políticas Sociais, Diversidade, Saúde e Centros Cívicos, que actúa en nome e representación desta Corporación, en virtude das competencias que lle foron delegadas por Decreto da Alcaldía de data 28 de xuño de 2017, polo Excmo. Sr. Alcalde-presidente do Excmo. Concello de Santiago de Compostela e que lle son recoñecidas a este polos artigos 124 da Lei 7/1985, do 2 de abril, reguladora das bases do réxime local, e 61 da Lei 5/1997, do 22 de xullo, de Administración local de Galicia; con CIF nº P1507900G e, domicilio social en Praza do Obradoiro, s/n, 15705 de Santiago de Compostela.

E doutra,

O Excmo. Sr. Juan Manuel Viaño Rey, reitor magnífico da Universidade de Santiago de Compostela, que actúa en nome e representación da citada universidade, en virtude do nomeamento efectuado polo Decreto 62/2014, de 28 de maio, da Consellería de Cultura, Educación e Ordenación Universitaria da Xunta de Galicia, conforme ao establecido polo artigo 20 da Lei Orgánica 6/2001, do 21 de decembro, de Universidades, e polo artigo 85 dos Estatutos da Universidade de Santiago de Compostela, aprobados polo Decreto 14/2014, do 30 de xaneiro, da Consellería de Cultura, Educación e Ordenación Universitaria da Xunta de Galicia, con CIF Q1518001A, e domicilio en Pazo de San Xerome- Praza do Obradoiro s/n, CP 15705 de Santiago de Compostela.

Ambas as dúas partes en nome e representación que ostentan e coa capacidade legal para este acto

EXPOÑEN

Primeiro.

O Concello de Santiago de Compostela ven desenvolvendo, consorte a Lei 7/85, do 2 de abril, reguladora das bases do réxime local, a súa competencia de obrigado exercicio respecto á prestación de servizos sociais de promoción e reinserción social.

É prestación básica dos servizos sociais, entre outras, a animación, prevención e cooperación social, que teñen por obxecto potenciar a participación de persoas e grupos na vida comunitaria, fomentando a iniciativa social, a solidariedade, o asociacionismo e o voluntariado, así como favorecer a toma de conciencia da cidadanía sobre os seus problemas e poñer en marcha mecanismos que fagan posíbel a participación destes na busca de solucións e na xestión dos servizos e actividades que se demanden.

Segundo.

A Lei 13/2008, de 3 de decembro, de servizos sociais de Galicia, establece no seu artigo 4º entre os seus principios xerais, o da solidariedade, sinalando que os poderes públicos fomentarán a solidariedade como valor inspirador das relacións entre as persoas e os grupos sociais e, impulsarán a implicación cidadá na superación das condicións que provoquen situacións de marxinação.

Darase prioridade ás accións encamiñadas ao logro e consolidación de formas organizadas e estable de solidariedade. E o establecer as funcións dos servizos sociais comunitarios básicos no seu artigo 11.h) sinala o fomento da participación activa da cidadanía mediante estratexias socioeducativas que impulsen a solidariedade e a cooperación social organizada.

O Concello de Santiago de Compostela coma Entidade prestadora de Servizos Sociais, toma conciencia da importancia do Voluntariado Social, e do valor da implicación da cidadanía nesta laboral social, establecendo coma unha das súas prioridades colaborar con Entidade Públicas e privadas no desenvolvemento de accións e programas educativos, formativos e culturais que faciliten a formación básica e específica do voluntariado.

Terceiro

De conformidade co disposto no artigo 23 Lei 10/2011, de 28 de novembro, de acción voluntaria, corresponden ás entidades locais galegas as seguintes competencias con relación ás materias reguladas na presente lei entre outras:

- a) Promover a acción voluntaria nos seus respectivos termos municipais, así como fomentar a participación da cidadanía.
- b) Articular os mecanismos de participación das entidades de acción voluntaria na vida local.
- d) Fomentar a coordinación entre as diversas entidades de acción voluntaria, así como co resto de administracións que concorran no termino municipal.

Cuarto.

A Universidade de Santiago de Compostela é unha entidade de Dereito Público e iniciativa social inscrita no Rexistro de Entidades Prestadoras de Servizos Sociais co número F-1362 e que, partindo da idea de que as universidades teñen que formar cidadáns activos e persoas responsables no seu contexto social, creou no ano 1.996 O Rexistro de Persoal Voluntario, entidade sen personalidade xurídica propia, cos seguintes obxectivos:

1. Consolidar a participación da comunidade universitaria no movemento asociativo vinculado á cultura da solidariedade.
2. Contribuír á formación humana dos/as universitarios/as que participen na acción voluntaria.
3. Reforzar as medidas de apoio a persoas con necesidades especiais mediante accións concertadas con outras institucións públicas ou privadas.
4. Converterse nun instrumento de colaboración estábel coas distintas institucións que traballen vinculadas á cultura da solidariedade.
5. Consolidar o servizo de información á comunidade universitaria sobre as actividades desenvoltas polas anteditas institucións.



6. Formar aos/ás voluntarios/as para que a súa participación nos distintos ámbitos que ofrece o Servizo de Participación e Integración Universitaria (SEPIU) sexa efectiva e de calidade.

Quinto.

A Lei 10/2011, de 28 de novembro, de acción voluntaria ven a establecer un marco legal, tendo por obxecto a ordenación e fomento da participación solidaria e altruísta da cidadanía nas actividades de acción voluntaria organizadas por entidades de acción voluntaria ou directamente pola Administración autonómica ou a Administración local para o desenvolvemento de programas concretos. Así mesmo, ten por obxecto regular as relacións que, con respecto a ditas actividades, puidesen establecerse entre as persoas voluntarias, as entidades de acción voluntaria e as persoas destinatarias da acción voluntaria e as administracións públicas de Galicia.

Sexto

Que o Concello de Santiago de Compostela e a Universidade de Santiago de Compostela, á vista da confluencia de vontades e obxectivos, están interesadas en traballar conxuntamente no desenvolvemento de proxectos no eido do Voluntariado, así como na promoción deste, co obxecto de acadar un mellor aproveitamento e unha rendibilidade social dos recursos.

Co obxecto de facer realidade e pór en práctica os obxectivos expostos, tendo en conta a especificidade do obxecto da colaboración, e de conformidade co previsto no artigo 26 da Lei 9/2007, do 13 de xuño, de subvencións de Galicia, sendo os convenios o instrumento habitual para canalizar as subvencións previstas nominativamente e, pólo que as partes comparecentes acordan subscribir o presente convenio de colaboración de acordo coas seguintes,

CLÁUSULAS

PRIMEIRA. OBXECTO

O obxecto deste convenio é establecer as bases reguladoras e as condicións polas que se rexerá a colaboración entre o Concello de Santiago de Compostela e a Universidade de Santiago de Compostela para levar a cabo o **PROGRAMA DE FORMACIÓN, DIFUSIÓN E PROMOCIÓN DO VOLUNTARIADO, A PARTICIPACIÓN SOCIAL E A COOPERACIÓN NA COMUNIDADE UNIVERSITARIA.**

O carácter singular do presente convenio, vén determinado por razóns de interese público, social e humanitario. A Universidade de Santiago de Compostela ten un Servizo de Participación e Integración Universitario que ten como misión fundamental coordinar a oferta de actividades de voluntariado, participación social e Cooperación da USC coas que se favorece a formación integral do alumnado desde unha visión responsable e comprometida coa sociedade e o medio ambiente. O evidente interese social e o gran labor desenvolto pola universidade leva ao Concello de Santiago de Compostela a establecer unha colaboración o máis estreita posible coa universidade pública asentada no termo municipal.

Para levar a cabo este programa o custe total aproximado, ascende a un total de **OITO MIL EUROS E (8.000,00€)**

(Ver Orzamento Desagregado onde constan os custos estimados dos conceptos para os cales se solicita a subvención obxecto do convenio no ANEXO I).

SEGUNDA. CONTIDO DO PROGRAMA

O desenvolvemento destas actividades encádrase no marco de actividades xerais do Servizo de Participación e Integración Universitaria (SEPIU), encargado da promoción do voluntariado, cooperación e participación social da comunidade universitaria, dependente da Vicerreitoría de Estudantes, Cultura e Responsabilidade Social da Universidade de Santiago de Compostela (USC) en dúas áreas específicas:

a) a promoción do voluntariado a cooperación e educación para o desenvolvemento e a participación social da comunidade universitaria e

b) a aposta en marcha de actividades formativas e de sensibilización recoñecidas academicamente en temas relacionados co voluntariado a cooperación e educación para o desenvolvemento e a participación social, froito do apoio do Concello de Santiago, poñeranse en marcha diferentes actividades:

1) Posta en marcha e actualización da base de datos do Rexistro de Persoal Voluntario da Universidade de Santiago de Compostela.

2) Actualización da póliza de seguros para todas as persoas voluntarias rexistradas na base de datos da Universidade de Santiago de Compostela.

3) Cobertura dos gastos relacionado co transporte urbano das persoas voluntarias rexistradas que así o precisen para o desenvolvemento das súas colaboracións.

4) Colaboración no deseño, organización e posta en marcha de cursos e xornadas formativas recoñecidas academicamente para todas as titulacións da USC.

5) Organización e execución de actividades comúns relacionadas coa cultura da solidariedade e a formación e promoción do voluntariado e a participación social de interese para ámbalas entidades.

Así, grazas o execución deste programa, fortalecerase a labor e o papel da USC a través do SEPIU na aposta deste institución por fomentar entre a comunidade universitaria os valores da cidadanía global, participativa, solidaria e inclusiva potenciando o papel da USC como un axente fundamental no desenvolvemento da vida social e comunitaria no Concello de Santiago

TERCEIRA. NATUREZA E RÉXIME XURÍDICO.

Este convenio ten carácter administrativo, de acordo co disposto no artigo 4.1.c do Real Decreto Legislativo 3/2011, de 14 de novembro, polo que se aproba o texto refundido da Lei de Contratos do Sector Público, vindo o seu réxime xurídico determinado polas cláusulas establecidas no convenio; pola Lei 38/2003, do 17 de novembro, xeral de subvencións e o seu regulamento; pola Lei 9/2007, de subvencións de Galicia; e pola lexislación de Réxime Local aplicable ao caso; e, no que resultasen imperativamente aplicable, polos artigos 47 a 53 da Lei 40/2015, de 1 de outubro, de Réxime Xurídico do Sector Público, a partir da entrada en vigor da citada norma o día 02/10/2016.

As lagoas ou diverxencias que puidesen apreciarse na aplicación do presente convenio interpretaranse motivadamente, previo ditame non vinculante da comisión á cal fai referencia a

cláusula décimo primeira deste convenio, pola Xunta de Goberno Local do Concello de Santiago de Compostela, poñendo os seus acordos fin a vía administrativa. Contra os acordos de interpretación adoptados pola Xunta de Goberno Local do Concello de Santiago de Compostela, poderá interpoñerse recurso contencioso-administrativo no prazo de dous meses dende a notificación da resolución e nos termos previstos na Lei 29/1998, de 13 de xullo, reguladora da xurisdicción contencioso-administrativa. Para este efecto, será competente o Xulgado do Contencioso Administrativo de Santiago de Compostela.

CUARTA. COMPATIBILIDADE

Esta subvención é compatible coa obtención doutras subvencións, axudas, ingresos ou recursos doutras entidades para a mesma finalidade procedentes de calquera administración ou entes públicos ou privados, nacionais, da Unión Europea ou de organismos internacionais, sempre que a contía total das axudas non supere o 100% do importe da actividade subvencionada.

Para o caso de que a subvención concedida supere, illadamente ou en concorrencia con outras, o custo da actividade para a que foi concedida a subvención, descontarase o exceso obtido sobre o citado custo.

QUINTA. ORZAMENTO

Para a realización das actividades descritas no presente convenio o Concello de Santiago de Compostela achegará a cantidade de **8.000 € (OITO MIL euros)** con cargo á aplicación orzamentaria 020 23100 48000/2017 dos orzamentos xerais municipais, segundo o artigo 33 das Bases de Execución do Orzamento do Excmo. Concello de Santiago de Compostela para o ano 2017.

A Universidade de Santiago de Compostela destinará as achegas feitas polo Concello de Santiago de Compostela a sufragar os gastos correntes derivados dos servizos prestados no marco do programa obxecto deste convenio.

A Universidade de Santiago de Compostela achegará os recursos materiais e humanos para levar a termo as actividades sinaladas anteriormente e responsabilizarase e asumirá a coordinación total das actividades.

De non xustificar o importe total da subvención concedida, e sempre e cando se acadase a finalidade perseguida polo convenio, o Concello de Santiago de Compostela minorará a súa achega proporcionalmente ao importe xustificado.

SEXTA. XUSTIFICACIÓN E MODO DE PAGAMENTO

A xustificación dos gastos e o seu pagamento realizarase coa xustificación do cumprimento da finalidade da subvención, a realización das actividades, e o seu custo real, mediante a presentación dunha certificación da intervención ou órgano que teña atribuídas as facultades de control nos termos establecidos na normativa comunitaria e nacional de aplicación, na Lei 38/2003, do 17 de novembro, xeral de subvencións e o seu regulamento; e no artigo 28.5 da Lei 9/2007, de subvencións de Galicia; e integrada polos documentos que a continuación se sinalan:

1. Memoria de actuación.

a. **Memoria de actuación**, expedida polo órgano competente da Universidade de Santiago de Compostela, xustificativa do cumprimento das condicións impostas na concesión da subvención, con indicación das actividades realizadas e dos resultados obtidos.

b. **Acreditación documental, material ou gráfica** (fotografías, fotocopias, captura de pantallas...) do cumprimento da obriga de información e publicidade do financiamento público da acción subvencionada, segundo o disposto na cláusula novena deste convenio.

2. Memoria económica xustificativa do custo das actividades realizadas, que incluirá:

a) **Certificación**, expedida polo órgano competente da Universidade de Santiago de Compostela dos gastos realizados.

b) **Relación das facturas e outros gastos realizados**, con identificación dos acredores cos seus NIF, o número e a data da factura ou recibín, o concepto, o importe e a data de pagamento, así como a porcentaxe de gasto que se imputa a este convenio, asinada polo órgano competente da Universidade de Santiago de Compostela.

c) **Orixinais das facturas** ou documentos de valor probatorio equivalente no tráfico xurídico mercantil ou con eficacia administrativa, incorporados na relación á que se fai referencia no parágrafo anterior, e a documentación acreditativa do pagamento. Os xustificantes orixinais presentados marcaranse cun selo para os efectos previstos na Lei 9/2007, do 13 de xuño, de subvencións de Galicia.

d) **Declaración responsable das axudas concedidas ou solicitadas** para a mesma finalidade procedentes das distintas administracións públicas ou doutros entes públicos ou privados, nacionais ou internacionais.

A xustificación comprenderá os gastos realizados e pagados entre o 1 de xaneiro de 2017 e o 30 de novembro de 2017, e deberá presentarse no Concello de Santiago de Compostela **con data límite 15 de decembro de 2017**.

Sen prexuízo do indicado nos parágrafos anteriores, No obstante, de acordo co establecido no artigo 34 da Lei 38/2003, de 17 de novembro, Xeral de Subvencións e nas Bases de Execución do Orzamento do Concello de Santiago de Compostela para o ano 2017 poderán realizarse pagamentos a conta por un importe de ata o 80% da porcentaxe subvencionada, correspondente aos pagamentos xustificados, nos seguintes termos:

- pagamento anticipado do 80% da subvención concedida, como financiamento necesario para poder levar a cabo as actuacións inherentes á subvención.
- pagamento final do 20% restante da subvención concedida, unha vez comprobado polo órgano concedente a xustificación presentada polo beneficiario, a realización da actividade, proxecto, obxectivo ou adopción do comportamento para o cal se concedeu e o cumprimento dos demais requisitos fixados na normativa reguladora da subvención

Para o seu aboamento será necesario presentar a documentación antedita, agás a memoria de actuación.

Os pagamentos efectuaranse por medio de transferencia á Universidade de Santiago de Compostela logo da sinatura do convenio.

Con carácter previo á ordenación dos pagamentos, tanto anticipado como final, Universidade de Santiago de Compostela deberá acreditar o cumprimento dos requisitos para obter a condición de beneficiario de acordo co artigo 13 da Lei 38/2003, do 17 de novembro, xeral de subvencións, e cos artigos 18 a 29 do Real Decreto 887/2006, do 21 de xullo, polo que se aproba o regulamento da

Lei 38/2003, do 17 de novembro, xeral de subvencións, en relación co artigo 10 da Lei 9/2007, do 13 de xuño, de subvencións de Galicia.

Ao abeiro do previsto no artigo 42.2 do Real Decreto 887/2006, do 21 de xullo, polo que se aproba o regulamento da Lei 38/2003, do 17 de novembro, xeral de subvencións, a Universidade de Santiago de Compostela queda exonerada da constitución de garantía para o pagamento anticipado.

Para todo caso, unha vez xustificada a subvención, o órgano competente, antes de proceder ao seu pagamento, poderá realizar as actuacións de comprobación oportunas para verificar o cumprimento da conduta e/ou actividade subvencionada.

Procederá a minoración do importe da subvención concedida cando o orzamento executado teña un custo inferior ao inicialmente previsto, e sempre que esta minoración non supoña unha realización deficiente da actuación subvencionada.

SÉTIMA. OBRIGAS

A Universidade de Santiago de Compostela comprométese a:

1. Facilitar toda a información que lle sexa requirida polos órganos competentes do Concello de Santiago de Compostela, e calquera outro órgano con competencias en materia de control de fondos públicos no exercicio das súas funcións de fiscalización e control do destino das axudas, comprometéndose a manter unha separación contable axeitada para os gastos relacionados coa axuda para facilitar a "pista de auditoría".
2. Cumprir os requisitos para poder obter a condición de beneficiaria ou entidade colaboradora establecidos no artigo 10 da Lei 9/2007, do 13 de xuño, de subvencións de Galicia, e tamén se compromete a cumprir o resto das obrigas recollidas no artigo 11 da devandita lei.
3. Reintegrar a subvención percibida no caso de incumprimento das condicións establecidas para a súa concesión.
4. Promover nas actuacións subvencionables a igualdade entre homes e mulleres, a eliminación de todas as formas de discriminación de xénero, así como aquelas que favorezan a conciliación da vida laboral e familiar.

OITAVA. INEXISTENCIA DE RELACIÓN LABORAL.

A subscripción do presente convenio non implicará relación laboral, contractual ou de calquera outro tipo entre as persoas ou profesionais que desenvolvan as accións que constitúen o seu obxecto e o Concello de Santiago de Compostela, os seus organismos ou entidades vinculadas ou dependentes, nin se lle poderá esixir ao Concello de Santiago de Compostela ningunha responsabilidade directa nin subsidiaria.

NOVENA. PUBLICIDADE, TRANSPARENCIA E COLABORACIÓN

1. As partes comprométese ao cumprimento das obrigas derivadas da Lei 19/2013, do 9 de decembro, de transparencia, acceso á información pública e bo goberno, e da Lei 1/2016, do 18 de xaneiro, de transparencia e bo goberno, e demais normativa de aplicación, en particular ás obrigas de publicidade activa.
2. Asemade, a Lei 15/2014, de 16 de setembro, de racionalización do sector público e outras medidas de reforma administrativa modifica o réxime xurídico da Base de Datos Nacional de Subvencións

(BDNS) contido no artigo 20 da Lei 38/2003, de 17 de novembro, Xeral de Subvencións e establece que a partir do 1 de xaneiro de 2016 serán de aplicación as disposicións que en materia de publicidade se recollen no apartado 20.8 e as correlativas dos artigos 17.3.b), 18 e 23.2, sinalándose no apartado 20.8 que convocar unha subvención sen seguir o procedemento indicado na propia lei será causa de anulabilidade da convocatoria.

Correlativamente, a Resolución de 10 de decembro de 2015, da Intervención Xeral da Administración do Estado, pola que se regula o proceso de rexistro e publicación de convocatorias de subvencións e axudas no Sistema Nacional de Publicidade de Subvencións (BOE Nº 299, de 15 de decembro de 2015), no seu apartado Terceiro.1 sinala que as bases reguladoras aprobaranse e publicaranse de acordo co réxime que en cada Administración teña establecido para a eficacia das disposicións administrativas, rexendo con carácter xeral o réxime aplicable recollido no artigo 52 da Lei 30/1992, de 26 de novembro, de Réxime Xurídico das Administracións Públicas e do Procedemento administrativo Común.

Na mesma resolución, no seu apartado Cuarto, regúlase o fornecemento de información da convocatoria á BDNS:

1. A información será fornecida polos órganos xestores. Dentro de cada órgano deberán establecerse os mecanismos que garantan que a convocatoria e o extracto que se fornecen á BDNS foron aprobados nos mesmos termos pola autoridade competente.

2. O órgano xestor fornecerá á BDNS en todo caso:

a) O texto da convocatoria na lingua española oficial do Estado.

b) O texto do extracto da convocatoria na lingua española oficial do Estado.

c) Os datos estruturados da convocatoria, na lingua española oficial do Estado. Entre eles figurará o diario oficial no que deba publicarse o extracto.

Ademais, poderá incluír:

d) Os mesmos textos da convocatoria e do extracto nunha segunda lingua oficial.

e) Outros documentos, como formularios de solicitude, instrucións de cumprimento, documentos de axuda e información, etc., que contribúan aos fins de publicidade e transparencia facilitando o seu acceso aos posibles interesados.

A sinatura do convenio implica a autorización expresa para o tratamento necesario dos datos e a referida publicidade. As partes asinantes do convenio manifestan o seu consentimento para que os datos persoais que constan neste convenio, así coma o resto das especificacións contidas no mesmo, poidan ser publicados nos termos previstos pola citada normativa vixente. A sinatura do convenio leva implícito o consentimento expreso da Universidade de Santiago de Compostela a favor do Concello de Santiago de Compostela para o tratamento necesario dos datos relevantes da subvención concedida e a súa publicidade.

3. A Universidade de Santiago de Compostela comprométese a:

1. Facer constar en todo tipo de publicidade e información que se realice no desenvolvemento deste convenio o financiamento do Concello de Santiago de Compostela, así como os seus correspondentes logotipos ou aqueloutros que se determinen. En concreto, deberá figurar de forma visible un cartel informativo que indique este cofinanciamento no lugar onde se realicen as actividades, e constar en toda a documentación, publicacións, actuacións de difusión ou convocatorias relativas ou resultantes das actividades obxecto deste convenio.

2. Comunicarlle ao Concello de Santiago de Compostela a obtención doutras subvencións, axudas, ingresos ou recursos que financien as actividades subvencionadas, así como a modificación das circunstancias que fundamentan a concesión da subvención. Esta comunicación deberá efectuarse no momento no que se coñeza e, en todo caso, con anterioridade á xustificación da aplicación dada aos fondos percibidos.
3. Facilitar a actuación do persoal técnico do Concello de Santiago de Compostela no referente ao seguimento das actividades obxecto da subvención e remitirlle un informe final detallado das actuacións levadas a termo.

DÉCIMA. MODIFICACIÓN, REVOGACIÓN E REINTEGRO

Serán causa de revogación deste convenio as recollidas na Lei 9/2007, do 13 de xuño, de subvencións de Galicia e, en especial, o incumprimento dalgunha das estipulacións contidas nas súas cláusulas. A subvención concedida ao amparo deste convenio poderá ser obxecto de modificación, revogación ou reintegro, xunto cos xuros de demora, cando concorran as circunstancias previstas no artigo 32 e 33 da Lei 9/2007, do 13 de xuño, de subvencións de Galicia.

Toda alteración das condicións tidas en conta para a concesión desta subvención e, en todo caso, a obtención concorrente de subvencións ou axudas outorgadas por outras administracións ou entes públicos ou privados, nacionais ou internacionais, poderá dar lugar á modificación da contía da subvención contemplada no presente convenio.

A suma do conxunto das axudas solicitadas e/ou concedidas para o obxecto do convenio non poderá superar o 100% do custo da actividade a desenvolver.

Procederese ao reintegro, total ou parcial, da cantidade percibida xunto cos xuros de demora devengados dende o momento do seu pagamento nos casos sinalados no artigo 33 da Lei 9/2007, do 13 de xuño, de subvencións de Galicia.

De acordo co artigo 14.1n) da Lei 9/2007, do 13 de xuño de subvencións de Galicia, os criterios de graduación dos posibles incumprimentos para determinar a cantidade a minorar ou reintegrar serán os seguintes:

1. O incumprimento total dos fins para os que se concede a subvención, da realización dos gastos subvencionados ou da obriga da xustificación dará lugar á perda do dereito ao cobro ou, no seu caso ao reintegro da totalidade da subvención percibida.
2. Calquera outro incumprimento considerárase incumprimento parcial dos fins para os que se concedeu a subvención, da realización dos gastos subvencionables ou da obriga da xustificación, e dará lugar a perda do dereito ao cobro ou, no seu caso, ao reintegro na porcentaxe correspondente á inversión non efectuada ou non xustificada.

Para o caso de incumprimento do presente convenio, transgresión na súa execución ou desestimento pola outra parte, procederase á súa inmediata disolución. Concorridos tales supostos reintegraranse á tesourería municipal as contías aboadas, cos xuros a que dean lugar, de conformidade coa normativa autonómica de aplicación e nos prazos máis perentorios que a mesma dispuxese. En todo caso, a Universidade de Santiago de Compostela sométese á normativa vixente en materia de subvencións, referenciada na cláusula segunda.

DÉCIMO PRIMEIRA. SEGUIMENTO E CONTROL

Para o seguimento, control e avaliación de cantas dúbidas poidan xurdir na aplicación do convenio constitúese unha comisión mixta que estará integrada por:



- Polo Concello de Santiago de Compostela, a Concellería da Área de Políticas Sociais, Diversidades e Saúde, que poderá dispor a súa substitución por algún funcionario ou algunha funcionaria da área.
- Pola Universidade de Santiago de Compostela, o seu Excmo. reitor magnífico ou a persoa que dispoña para que o substitúa.

Sen prexuízo do anterior, todas aquelas cuestións relacionadas co outorgamento, cumprimento, xustificación e pagamento, así como o reintegro e determinación das posibles responsabilidades relativas á subvención concedida serán resoltas polo Concello de Santiago de Compostela.

DÉCIMO SEGUNDA.- VIXENCIA.

O presente convenio entrará en vigor na data da súa sinatura, se ben serán subvencionables ao abeiro do mesmo coas achegas feitas polo Concello de Santiago de Compostela as accións englobadas no presente convenio que a Universidade de Santiago de Compostela realizase dende o 1 de xaneiro de 2017 ata a data límite para a presentación da xustificación, indicada na cláusula sexta.

E, en proba de conformidade, ambas as dúas partes asinan este convenio e os seus anexos por duplicado exemplar, no lugar e na data sinalados no encabezamento.

	
D ^a Concepción Fernández Fernández Concello de Santiago de Compostela.	Excmo. Sr. Juan Manuel Viaño Rey. Universidade de Santiago de Compostela.

ANEXO I

ORZAMENTO DESAGREGADO ONDE CONSTAN OS CUSTOS ESTIMADOS DOS CONCEPTOS DO PROXECTO/ACTIVIDADE OBXECTO DO CONVENIO E PARA OS CALES SE SOLICITA A SUBVENCIÓN

ACTIVIDADE/PROGRAMA: "PROGRAMA DE FORMACIÓN, DIFUSIÓN E PROMOCIÓN DO VOLUNTARIADO A COOPERACIÓN E A PARTICIPACIÓN SOCIAL NA COMUNIDADE UNIVERSITARIA

CONCEPTOS	ORZAMENTO 2017
Gastos de persoal para a posta en marcha e actualización da base de datos do Rexistro de Persoal Voluntario da Universidade de Santiago de Compostela. Colaboración no deseño, organización e posta en marcha de cursos e xornadas formativas recoñecidas academicamente para todas as titulacións da USC.	5.000 €
Seguros de accidente e responsabilidade civil das persoas rexistradas como voluntarias.	2.000 €
Transporte urbano para as persoas voluntarias	1.000 €
TOTAL	8.000 €

Non poderán incluírse gastos por adquisición de equipamento e material inventariable, nin gastos ordinarios de funcionamento que non estean asociados co proxecto subvencionado. Non poderán ser subvencionados os gastos correspondentes ás retribucións do persoal que non teñan unha relación laboral coas entidades beneficiarias e desenvolvan o proxecto ou programa subvencionado. Non serán subvencionables gastos de manutención (comidas, consumicións, servizo de restauración, etc), nin tampouco dietas do persoal destinado a desenvolver o proxecto.

O orzamento e un orzamento estimado da actividade, polo que, como consecuencia da execución da actividade subvencionada poderanse producir desviacións nos conceptos que o integran, podendo ser compensados uns con outros, sempre que do análise do conxunto da documentación xustificativa se deduza o cumprimento do obxecto do convenio, e sempre que estas desviacións non teñan tal entidade que supoñan a alteración das condicións estipuladas neste convenio para a concesión da subvención.



ANEXO IV

DECLARACIÓN DO CONXUNTO DE TODAS AS AXUDAS SOLICITADAS, CONCEDIDAS OU PERCIBIDAS PARA A MESMA FINALIDADE

DATOS DA ENTIDADE

NOME OU RAZON SOCIAL
NIF
ENDEREZO
LOCALIDADE
TF/FAX
CORREO ELECTRONICO

E, NA SUA REPRESENTACIÓN

NOME E APELIDOS
NIF
EN CALIDADE DE

DECLARO que o conxunto das axudas solicitadas, concedidas e/ou percibidas para a mesma finalidade,

PROGRAMA/ACTIVIDADE _____

obxecto do convenio de colaboración asinado co Concello de Santiago de Compostela, para o ano 2017, procedentes das distintas administracións públicas ou doutros entes públicos ou privados, nacionais ou internacionais son os seguintes:

Ningunha outra axuda ou subvención.

Outras axudas ou subvencións.

CONCEPTO DA AXUDA	S/C/P(1)	(2)IMPORTE (€)	%(3)	ADMINISTRACIÓN OU ENTIDADE PÚBLICA CONCEDENTE (4)

(1) Indíquese o que corresponda S(solicitada),C(concedida),P(percibida)

(2) Importe total da axuda solicitada/concedida/percibida procedentes das distintas administracións públicas ou doutros entes públicos ou privados, nacionais ou internacionais, para a mesma finalidade.

(3) Porcentaxe da axuda sobre o custe total.

(4) Indíquese nome da Administración /Entidade pública concedinte e, data da resolución.

En cumprimento do disposto no artigo 5 da Lei orgánica 15/1999, de protección de datos de carácter persoal, infórmase de que os datos persoais recollidos no presente convenio e nos seus anexos se

incorporarán a un ficheiro para o seu tratamento, coa finalidade da xestión deste procedemento. Vostede pode exercer os dereitos de acceso, rectificación, cancelación e oposición previstos na lei mediante un escrito dirixido ó Excmo. Concello de Santiago de Compostela como responsable do ficheiro.

LEXISLACIÓN APLICABLE: Orzamento Xeral do Excmo. Concello de Santiago de Compostela para o ano 2017 (BOP nº 55, 22 de marzo 2017) e Bases de Execución do Orzamento para o ano 2017. Bases de execución do Orzamento Xeral do Excmo. Concello de Santiago para o ano 2017. Lei 38/2003, do 17 de novembro, xeral de subvencións; o Real decreto 887/2006, do 21 de xullo, polo que se aproba o seu regulamento; a Lei 9/2007, do 13 de xuño, de subvencións de Galicia; e o Decreto 11/2009, do 8 de xaneiro, polo que se aproba o Regulamento da Lei 9/2007, do 13 de xuño, de subvencións de Galicia.

SINATURA DA PERSOA REPRESENTANTE

LUGAR E DATA

.....de.....de 2017.

